

BIBLIOTEKA

Zakł. Nar. Im. Ossolińskich

XVI 3150

Kromer Marcin.  
de Christi Jesu triumpho carmen  
Cracoviae, 1541. ap. H. Vietore

VI. F. 100 $\frac{1}{2}$









MARTINI CRO-  
MERI BECZENSIS DE SPLEN-  
didissimo Christi Iesu triumpho carmen.





# ORNATISSIMO VIRO DOMINO

Nicolao Lutomirski Telonæ Cracouiensi Mar-  
tinus Cromerus. S. D.

**S**Citum cum primis & elegans est illud, vir ornatif-  
sime, q̃ poctę tres esse gratias fabulantes, vnam  
auerſam, duas nos inſpectantes effinxerunt, admonen-  
tes nimirum, Grati eſſe animi, duplam pro accepto be-  
neficio gratiam referre. At ego, tot tantisq; abs te af-  
fectus beneficijs, ornatiffime Lutomirski, tantũ abeſt  
vt id preſtare valeam, vt vix minimam partem tuorum  
in me beneficiorum æquare poſſim. Hæc cum ita ſe  
habeant, tamen illud mihi faciendum eſſe viſum eſt, quo  
animum tui obſeruatiſſimum tibi declararem. Cuius rei  
occaſionem, non ineptam, mea quidem ſententia, obla-  
tam mihi eſſe ratus ſum, ſi hoc carmen de ſplendidif-  
ſimo Chriſti Ieſo triumpho, vnus fere dici opus, tuis  
auſpicijs in lucem ederem. Nam cum in dandis xenijs  
magnopere danda ſit opera, vt, quid cuiq; aptiſſimum  
ſit, ſpectemus. Quid aptius, quid conuenientius inue-  
nire potuiſſem, quam vt bonarum literarum ſtrenus  
um ſectatorem, magnumq; ſtudioſorum amatorem, &  
patronum cartaceo munuſculo donarem, Tu itaq; ſe-  
rena fronte hunc libellum accipies in præſentia, Cro-  
merumq; ſolito fauore & beneuolentia comple-  
cteris, qui te cupit quam diutiſſime valere.

Cracouię pridie Idus Apriles.

M. D. XXXIII.



XVI. Qu. 3150

MARTINI CRO-  
MERI BECZENSIS DE SPLEN-  
didissimo Christi Iesu triumpho carmen.

CHRISTE decus mundi, rerumq; autorq; salusq;  
Quo sine mēs friget cœcis adoperta tenebris,  
Da facilem cursum, cœptis fœlicibus adsis,  
Nam tua facta cano, celebremq; ex hoste triumphum.

Iam scelerata cohors trucibus faciata benigni  
Supplicijs Christi, sacro polluta cruore,  
Seruatore suo crudeli morte perempto,  
Mutanda eterno peragebat gaudia luctu.  
Sed tamen occisi vitę sibi conscia regis,  
Illius ad tumulum positis custodibus excors  
Excubias seruat, cœli terreq; potentem  
Ingenti clausum uetituras surgere mole.

Nox erat, & cælo radiabant fusca sereno  
Sidera, & exigua, pleno licet orbe, coruscans  
Luce, poli medium nocturna Diana tenebat:  
Arua, homines, volucres, animantia cuncta silebant,  
Mœsta sui indignaq; & acerba morte parentis.  
Reflexus tenuere vagos tunc equora mœsta,  
Squalebant elementa suum lugentia regem,  
Inq; Chaos priscum commixta redire volebant.

Cum subito placidus roseo fulgore coruscans  
Extulit e tenebris faciem sol aureus almam,



Sol qui sydereis cursum lumenq; ministrat  
Ignibus, & mentes superum hominumq; benigno  
Lumine collustrat, vitamq; & tempora donat,  
Qui noua fert miseris amissę munera vite,  
Victor adest Erebi, deuicta morte triumphans,  
Leticiamq; ferens vultu, quo cuncta serenat.

Agmine quem leto superum comitata caterua  
Spirituum, nigras niueo fulgore tenebras  
Illustrat, placideq; canens concentibus auras  
Nectareis mulcet, quos non Rhodopeius Orpheus,  
Nec Thamyras, nec saxa mouens testudine blanda  
Fingeret Amphion, cithara nec clarus Apollo,  
Non Heliconiades doctę cantare sorores,  
Vtlibet adsciscant Veneres Charitalq; decoras.

Ac ueluti ( si fas paruis componere magna )  
Suauifonę liquidum remigantes aera pennis  
Cantellant volucres, resonat nemus omne canoënis,  
Cum ver intepuit solis fulgore benigno.  
Sic illi plaudunt, sic victoremq; salutant.

Salue magne parens rerum, lux, uita, salusq;  
Qui regis astra, nutu totum qui concutis orbem.  
Nate patris summi, cuius de lumine cuncti  
Accipimus lumen, cuius, quid sumus, almo  
Numine consilioq; sumus, qui victor ab orco  
Gratus ades, casus hominum miseratus acerbos,  
Gratus ades, per quem nobis reparata superbi est



Luciferi iactura, noui adiunctiq; sodales.  
Accipe regna patris, roſco tibi parta cruore  
Sis foelix, faueſq; choris rex optime noſtris  
Pone ſubit tetrīs erepta ē faucibus orci,  
Magna hominum, vita donata, caterua piorum,  
Præda diu ſtygiī vinclis detenta tyranni.  
Suppliciumq; luens culpæ miſeranda paternæ,  
Victoriq; canit tibiſ epinicia plenis.  
Mox alia eſt rerum facies, iam clara coruſcat  
Cynthia, iam fulgent hilari vaga ſydera flamma,  
Sol properat celeri auroram præuerrere curſu  
Aer, aquæ pariter gaudent, igniſq; ſolumq;  
Mitibus æthra micat flammis, tonitruq; remugit  
Innocuo, & Zephyris reſpirat mollibus aer,  
Roreq; per grato ſqualentes irrigat agros.  
Itq; reditq; hilarum placidis anfractibus æquor,  
Flumina decurrunt leni delata ſuſurro,  
Lætæ tremiſ tellus, mugit, patefactaq; fundit  
Fœcundo e gremio vario diſtincta colore  
Gramina, multiplicēſq; herbas, florumq; nitorem  
Purpureum, & ſuaues affatim effundit odores.  
Cernere erat volucres cœli per aperta volantes  
Tempore non ſolito, & dolci modulamine magna  
Gaudia teſtantes, pecudes virentibus aruiſ  
Ludentes, minime memores ſomniq; cibiq;  
Quin homines etiam, quorum non obruta manſit

Mens vicijſ, dictu mirum, noua pectore in imo  
Quaſq̃ ignota, tamen ſenſerunt gaudia leti.

Qualia cum vincti, ſatum quibus inſtat acerbum.  
Seruatur ſubito, libertatemq; reſumunt,  
Gaudia mutato peragunt mœrore ſecundis.

O nox alma, die longeꝫ illuſtrior omni,  
O nox letifica, o Pario ſignanda lapillo,  
O nox ſolenni cultu celebranda, perennem  
Qua miſeris vitam mortalibus atq; ſalutem  
Reſtituit victor, donans ingentia dona,  
Ipſe ſator mundi, princeps hominũq; redemptor.

Quem nos letificis celebremus vocibus omnes  
Chriſticolę, harmonico ferientes ſidera cantu,  
Spargamus flores, Pancheaq; dona feramus.  
Thura demus, celebres tollamus in aſtra triumphos,  
Oſcula figamus pedibus clementis Ieſu,  
Hiſq; ſalutemus vitę lucisq; parentem.

Salue ſtelliſeri ſapiens regnator Olympi,  
Conditor Aſtrorum, regum rex maxime ſalue,  
Imperium cuius ſenſerunt infera regna,  
Salue cuncti potens, ſalue deuictor auerni,  
Salue preſidium mundi pereuntis, & vna  
Speſq; ſaluſq; hominum, ſalue mitiſſime Ieſu.  
Tu lux cuncta tuo illuſtrans ſplendore coruſco,  
Tu tu confugium miſeris mortalibus vnum.  
Tu mortem, atq; ſtygis domuiſti immitia regna.



Tu generi humano vitam regnūq; dedisti.  
Tu nos iustificas scelerum putore fugato.  
Tu patris etherei fregisti iramq; minasq;  
Tu miseros Erebi seruos, quos culpa parentum  
Primorum exitio dederat, letoq; perenni,  
Carne hominis sumpta cœlestis pignora patris,  
Municipesq; poli fecisti sanguine sacro.

Euge potens victor, superato Dite triumphans.  
Læticia mentes hominum perfunde benignus,  
Mentibus vt lētis epinicia lēta canamus,  
Nosq; e pestiferis viciorum attolle sepulchris,  
Nam sine te fœtemus odore cadauera tetra.  
Vincere da mundum, carnemq; & demonas atros,  
Qui nos mille dolis instructi, & mille nocendi  
Artibus affectant socios adiungere pœnæ,  
Vt tibi perpetuo læti, vitaq; fruantes  
Illustrem ætherea celebremus in arce triumphum.  
Finis.

In Regia vrbe Cracouiensi Hieronymus Vietor im-  
pressit, Anno dñi, M. D. XLI.













